

საქართველოს ეკლესიის იერარქმა მონაწილეობა მიიღო რუბლიოვის მუზეუმის პირველი დირექტორის დ.ი. არსენიშვილის მოსახსენებელ პანაშვიდში



სსკვ-ის კომუნიკაციის სამსახური, 16.11.2022. 16 ნოემბერს X სამეცნიერო სემინარის – „რუსეთი. საქართველო. ქრისტიანული აღმოსავლეთი. სულიერი და კულტურული კავშირები“ – დანაშების წინ ქ. მოსკოვის სპასო-ანდრონიკოვის მონასტრის მაცხოვრის ტაძარში შესრულდა ანდრია რუბლიოვის სახ. ძველრუსული კულტურისა და ხელოვნების ცენტრალური მუზეუმის პირველი დირექტორის დავით ილიას ძე არსენიშვილის (1905-1963) სულის საოხი პანაშვიდი.

მოსკოვისა და სრულიად რუსეთის უწმინდესი პატრიარქის კირილეს კურთხევით მოსახსენებელი მსახურება ჩაატარეს მოსკოვის საპატრიარქოს საქმეთა მმართველმა, მოსკოვისა და სრულიად რუსეთის პატრიარქის პირველმა ვიკარიუსმა, ვოსკრესენის მიტროპოლიტმა დიონისემ და საქართველოს

მართლმადიდებელი ეკლესიის იერარქმა, ახალქალაქის, კუმურდოსა და კარის მიტროპოლიტმა ნიკოლოზმა, რომელიც დ.ი. არსენიშვილის ძმის შვილიშვილია.

მწყემსმთავრებს თანამსახურება გაუწიეს მოსკოვისა და სრულიად რუსეთის პატრიარქის მრჩეველმა დეკანოზმა ნიკოლოზ ბალაშოვმა, სსკგ-ის თავმჯდომარის მოადგილის მოვალეობის შემსრულებელმა დეკანოზმა იგორ იაკიმჩუკმა, ანდრონიკოვის მონასტრის ტაძრების საპატრიარქო მეტოქიონის წინამძღვარმა არქიმანდრიტმა დიონისემ (კოლესნიკი), ПСТГУ-ს ეკლესიური მხატვრობის ფაკულტეტის დეკანმა დეკანოზმა ალექსანდრე სალტიკოვმა, წმინდა დიდმოწამე და ძლევამოსილი გიორგის სახ. ქართული თემის ტაძრის წინამძღვარმა თეოდორე კრეჩეტოვმა, მოსკოვის სამღვდელოების წარმომადგენლებმა.

ტაძარში ლოცულობდნენ ანდრია რუბლივის სახ. ძველრუსული კულტურისა და ხელოვნების მუზეუმის თანამშრომლები.

ლოცვები და გალობები ისმოდა საეკლესიო-სლავურ და ქართულ ენებზე.

მოსახსენებელი მსახურების დასრულებისას წარმოთქმულ სიტყვაში ვოსკრესენის მიტროპოლიტმა დიონისემ დამსწრე საზოგადოებას მისალმება და კურთხევა გადასცა მოსკოვისა და სრულიად რუსეთის უწმინდეს პატრიარქ კირილესგან.

სტუმარს, საქართველოს მართლმადიდებელი ეკლესიიდან, სიტყვით მიმართა მიტროპოლიტმა დიონისემ და აღნიშნა: ძვირფასო და ღრმად პატივცემულო მეუფე, მართლმადიდებლური მოსკოვის წარმოდგენა უკვე ძნელია ამ პანაშვიდის გარეშე ანდრონიკოვის მონასტერში, რომელიც ქალაქის ლიტურგიული ცხოვრების ნაწილი გახდა. გულწრფელ მადლობას მოგახსენებთ იმისთვის, რომ გაამდიდრეთ უძველესი დედაქალაქის ლიტურგიული ცხოვრება, რომ წარმოადგენთ თქვენი ღვთისმოსავი წინაპრის და, საერთოდ, ყველა ჩვენი წინაპრის ხსოვნისადმი ერთგულების მაგალითს, რომლებსაც ჩვენ ახლა, XXI საუკუნეში მცხოვრებნი, ესოდენ ძლიერ ვსაჭიროებთ. ამიტომ ჩვენ ვლოცულობთ, რომ უფალმა მოგმადლოთ სიძლიერე და სიმტკიცე მრალჟამიერ, რათა ყოველი წლის ზამთრის დასაწყისში ჩვენ ყველანი შევიკრიბოთ აქ, ამ ძველ ტაძარში, და ღვთის მიმართ ჩვენს ლოცვას მარადსახსოვარ დავით ილიას ძისთვის აემაღლებინოს, ენუგეშებინოს და განემტკიცებინოს ჩვენი გულები“.

სამახსოვრო საჩუქრად მიტროპოლიტმა დიონისემ საქართველოს ეკლესიის იერარქს სამღვდელთმთავრო კვერთხი მიართვა ოთხი მოციქულისა და მახარებლის გამოსახულებით, და აღნიშნა, რომ მიტროპოლიტი ნიკოლოზი ბევრს მოგზაურობს, როგორც მოციქულთა გზის მიმდევარი“.

დამსწრეთა და მთელი მართლმადიდებელი მოსკოვის სახელით, მან მიტროპოლიტ ნიკოლოზს სთხოვა, სრულიად საქართველოს კათოლიკო-პატრიარქ უწმინდეს და უნეტარეს ილია II-სთვის გადაეცა

სიყვარულის სიტყვები და გულითადი მილოცვა ახლო მომავალ საიუბილეო თარიღებთან დაკავშირებით. 2022 წლის დეკემბერში აღინიშნება მისი უწმინდესობისა და უნეტარესობის საპატრიარქო მსახურების 45 წლისთავი. 2023 წლის 4 იანვარს კი კათოლიკოს-პატრიარქ ილია II-ს 90 წელი უსრულდება. „მისი მსახურების სახენიშუში – ეს არის მაგალითი, რომელიც თანამედროვე ქრისტიანს სჭირდება. გთხოვთ, დაუდასტუროთ მის უწმინდესობასა და უნეტარესობას, რომ მოსკოველებს ის ახსოვთ და პატივს სცემენ, მისთვის ლოცულობენ“, – ბრძანა ვოსკრესენის მიტროპოლიტმა დიონისემ.

ახალქალაქის, კუმურდოსა და კარის მიტროპოლიტმა ნიკოლოზმა სამადლობელ სიტყვაში აღნიშნა მასპინძელთა გულთბილი შეხვედრა და კეთილი სურვილები, და ბრძანა: „თანამედროვე სამაყაროში ჩვენ ვხდებით მოწმენი იმისა, რომ ყველაფერი იცვლება: სულ ახლახან ასე არ იყო, ამჟამად კი ჩვენ ვდგავართ სერიოზული გამოწვევების წინაშე“. დღევანდელბაში, მისი თქმით, მიმდინარეობს ბრძოლა, „რომელიც უპირველესად მიმართულია მართლმადიდებლობის წინააღმდეგ, ჭეშმარიტი აღმსარებლობის წინააღმდეგ“.

„მე ვფიქრობდი იმაზე, თუ რა გვაძლევს ძალას რთულ განსაცდელებში. რა თქმა უნდა, სწორედ უფალი გვაძლევს შენევენას, მაგრამ დახმარებას ის ადამიანების მეშვეობით გვიგზავნის, – განაგრძო მან. – დავით ილიას ძე პაპაჩემის ძმა იყო, მაგრამ მე შევეცადე მისთვის, მისი ცხოვრებისთვის გვერდიდან შემეხედა: რა გააკეთა ამ კაცმა ისეთი, რომ მისი გარდაცვალებიდან 59 წლის შემდეგ, ჩვენ რაღაც გვაწვალდებულებს ამ დღეს ერთად შეკრებას, ერთად ყოფნას, მიუხედავად იმისა, რომ ყველა ბოროტი ძალა ამის წინააღმდეგია? ჩვენ ერთად შევიკრიბეთ თქვენი პირადი წვლილით, მრავალი ადამიანის წვლილით, რომლებსაც ახსოვთ დავით ილიას ძე, და მე არ შემიძლია, არ ჩამოვიდე, რაც არ უნდა მოხდეს, არ შემიძლია, რომ აქ არ ვიყო. ის, რაც ახლა ქ ხდება – ეს მაგალითია მთელი მართლმადიდებლური სამყაროსთვის“.

მიტროპოლიტმა ნიკოლოზმა ტაძარში მყოფ მორწმუნეებს საქართველოს მართლმადიდებელი ეკლესიის წინამძღვრის ლოცვა-კურთხევა გადასცა.

ამავე დღეს ანდრია რუბლიოვის სახ. ძველრუსული კულტურისა და ხელოვნების ცენტრალურ მუზეუმში **გაიხსნა** დ.ი. არსენიშვილის ხსოვნისადმი მიძღვნილი X ყოველწლიური სამეცნიერო სემინარი: „რუსეთი. საქართველო. ქრისტიანული აღმოსავლეთი. სულიერი და კულტურული კავშირები“. კონფერენციის მუშაობაში მონაწილეობას იღებს ახალქალაქის, კუმურდოსა და კარის მიტროპოლიტი ნიკოლოზი.